

## **OBRAZLOŽENJE BUDŽETA ZA 2019. GODINU**

### **UVOD**

Pravna osnova za donošenje budžeta općine je član 16. Zakona o budžetima u Federaciji BiH ("Službene novine F BiH", br.102/13, 9/14,13/14,8/15,91/15,102/15,104/16 i 5/18), Pravilnika o knjigovodstvu budžeta ("Službene novine F BiH", br.15/07), te član 13. Zakona o principima lokalne samouprave ("Službene novine F BiH" br.49/06 i 51/09).

Budžet općine temelji se na ostvarenju budžeta za devet mjeseci tekuće fiskalne godine, odnosno procjeni izvršenja budžeta za 2018.godinu na osnovu kojeg se utvrđuju prihodi i izdaci za narednu budžetsku godinu.

Budžet je rađen na osnovu kretanja finansijskih pokazatelja u BiH i Smjernica koje je Ministarstvo finansija Federacije BiH i Ministarstvo finansija SBK dostavilo općinama za izradu Dokumenta okvirnog budžeta za period 2019.-2021.godina.

### **PRIHODI, PRIMICI I FINANSIRANJE**

Prikupljanje javnih prihoda općine obavlja se putem depozitnog računa općine Gornji Vakuf-Uskoplje, u skladu sa Pravilnikom o načinu uplate javnih prihoda budžeta i van budžetskih fondova na teritoriji F BiH ( "Službene novine F BiH" br. 33/16,89/16,9/17,33/17,67/17,9/18, 27/18 i 55/18), a platni promet se vrši putem transakcijskih računa otvorenih kod ovlaštenih finansijskih organizacija platnog prometa.

Prihodi se prikupljaju od:

- poreza koji su utvrđeni Zakonom;
- neporeznih prihoda kao što su prihodi od poduzetničkih aktivnosti i imovine te naknade, takse i prihodi od pružanja javnih usluga;
- kapitalni transferi viših nivoa vlasti;
- kapitalni primici.

**Ukupni prihodi i primici** budžeta općine za 2019. godinu se predviđaju u iznosu od 6.321.300,00 KM ili 7% više u odnosu na budžet za 2018. godinu.

**Prihodi od poreza** se za 2019. godinu planiraju u iznosu od 3.179.500,00 KM, odnosno 2% više od plan budžeta za 2018.godinu, što u strukturi izgleda ovako :

1. Porez na dobit pojedinaca i preduzeća planira se u iznosu od 2.500,00 KM, odnosno 29% manje od budžeta za 2018.godinu;
2. Porez na plaće i radnu snagu planiran je u iznosu od 6.000,00 KM, odnosno isto kao i budžet za 2018.godinu;
3. Porez na imovinu je planiran u iznosu od 273.000,00 KM, što iznosi 7% manje u odnosu na budžet za 2018. godinu;
4. Domaći porezi na dobra i usluge se više ne ostvaruju;
5. Porez na dohodak se predviđa u iznosu od 519.000,00 KM, odnosno 4% više u odnosu na budžet za 2018.godinu;
6. Prihodi od indirektnih poreza se planiraju u iznosu od 2.377.000,00 KM , odnosno 3% više Od budžeta za 2018. godinu;
7. Ostali porezi u iznosu od 2.000,00 KM , odnosno 33% manje od budžeta za 2018.godinu.

**Neporezni prihodi** za 2019. godinu se planiraju u iznosu od 1.961.800,00 KM, odnosno 36% više od budžeta za 2018. godinu što u strukturi izgleda ovako :

- Prihodi od poduzetničkih aktivnosti i imovine se planiraju u iznosu od 224.300,00 KM odnosno 4% više od budžeta za 2018. godinu;
- Naknade, takse i prihodi od pružanja javnih usluga se planiraju u iznosu od 1.736.500,00 KM, odnosno 41% više od budžeta za 2018. godinu;
- Novčane kazne se planiraju u iznosu od 1.000,00 KM , odnosno isto kao i budžet za 2018. godinu.

**Kapitalni transferi** se planiraju u iznosu od 880.000,00 KM ili 15% manje od budžeta za 2018. godinu, to jest od Federacije se očekuje 500.000,00 KM, od Kantona SBK iznos od 300.000,00 KM, a od Mjesnih zajednica 50.000,00 KM i od inostranih vlada 30.000,00 KM ili isto kao i prethodne godine.

**Kapitalni primici** se planiraju u iznosu od 300.000,00 KM, ili isto kao i budžet za 2018. godinu, što se prije svega odnosi na primitke od prodaje zemljišta u iznosu od 50.000,00 KM, a od prodaje zgrada i stambenih objekata u iznosu od 250.000,00 KM, odnosno isto kao i budžet za 2018. godinu.

Neraspoređeni višak prihoda i rashoda iznosi 400.000,00 KM i manji je za 33% u odnosu na 2018. godinu.

Ukupno raspoloživa sredstva iznose 6.721.300,00 KM, odnosno 3% više nego u 2018. godini.

## **RASHODI I IZDACI**

**Ukupni rashodi** budžeta za 2019. godinu također planiraju u iznosu od 6.721.300,00 KM, ili 3% više u odnosu na budžet za 2018. godinu.

**Tekući izdaci** se za 2019. godinu predviđaju u iznosu od 4.765.400,00 KM, odnosno 8% više od budžeta za 2018. godinu što u strukturi izgleda ovako :

**Plaće i naknade troškova zaposlenih** se planiraju u iznosu od 1.584.400,00 KM ili 8% više od budžeta za 2018. godinu;

**Bruto plaće i naknade** se planiraju u iznosu od 1.395.400,00 KM, ili 8% više od budžeta za 2018. godinu;

**Naknade troškova zaposlenih** se planiraju u iznosu od 189.000,00 KM, ili 3% više od budžeta u 2018. godini;

**Doprinosi poslodavca** se planiraju u iznosu od 149.900,00 KM, odnosno 8% više od budžeta za 2018. godinu;

**Izdaci za materijal i usluge** se predviđaju u iznosu od 1.774.600,00 KM, odnosno 35% više od budžeta za 2018. godinu, što u strukturi izgleda ovako :

- Putni troškovi se planiraju u iznosu od 10.100,00 KM, odnosno isto kao i budžet za 2018. godinu;
- Izdaci za energiju se planiraju u iznosu od 120.000,00 KM , ili 3% manje od budžet za 2018. godinu;

- Izdaci za komunalne usluge su predviđeni u iznosu od 39.000,00 KM, odnosno isto kao i budžet za 2018.godinu;
- Nabavka materijala se planira u iznosu od 117.000,00 KM, odnosno isto kao i budžet za 2018.godinu;
- Izdaci za usluge prijevoza i goriva u iznosu od 18.500,00 KM ili 6% više od budžeta za 2018.godinu;
- Izdaci za tekuće održavanje se planira u iznosu od 475.000,00 KM, odnosno isto kao i budžet za 2018. godinu;
- Izdaci osiguranja, banka, usluge i platni promet se planiraju u iznosu od 22.000,00 KM, odnosno isto kao i budžet za 2018. godinu;
- Ugovorene usluge se planiraju u iznosu od 973.000,00 KM ili 92% više od budžet za 2018.godinu.

**Tekući transferi ( grantovi )** se predviđaju u iznosu od 1.240.400,00 KM, ili 1% manje od budžeta u 2018. godini i to:

- Tekući izdaci se planiraju u iznosu od 356.600,00 KM, odnosno 8 % manje od budžeta za 2018. godinu,
- Grantovi pojedincima se planiraju u iznosu od 238.000,00 KM, odnosno isto kao i budžet za 2018. godinu;
- Transferi neprofitnim organizacijama se planiraju u iznosu od 369.800,00 KM ili 9% više od budžeta u 2018. godini;
- Subvencije javnim preduzećima i ustanovama se planiraju sredstva u iznosu od 173.000,00 KM, odnosno 15% manje od budžeta za 2018. godinu;
- Subvencije privatnim preduzećima se planiraju u iznosu od 60.000,00 KM, to jest isto kao i budžet za 2018. godinu;
- Ostali grantovi – povrat – se planira u iznosu od 80.000,00 KM, odnosno isto kao i budžet za 2018. godinu,
- Izdaci za otplatu kamate kredita se planiraju u iznosu od 16.00,00 KM, odnosno 29% manje od budžeta za 2018. godinu,

**Kapitalni izdaci** se predviđaju u iznosu od 1.819.000,00 KM, ili 17% manje od budžeta za 2018. godinu.

Nabavka zemljišta se planira u iznosu od 60.00,00 KM ili isto kao i budžet za 2018. godinu, nabavka opreme se planira u iznosu od 35.000,00 KM ili 19% manje od budžeta za 2018. godinu, nabavka stalnih sredstava u obliku prava u iznosu od 50.000,00 KM, odnosno 17% manje od budžeta za 2018. godinu.

Rekonstrukcija se planira u iznosu od 1.543.000,00 KM , odnosno 19% manje u odnosu na budžet za 2018. godinu, a sredstva se prije svega planiraju utrošiti na rekonstrukciju gradskih ulica, puteva i mostova, vodovoda, sportske dvorane, ceste Ski centra „Raduša“, vanjskih osvjetljenja, izgradnju poduzetničke zone, projektovanje i drugo.

Izdaci za otplatu glavnice kredita se planiraju u iznosu od 131.000,00 KM, odnosno 4% više od budžeta za 2018. godinu,

**Tekuće rezerve** iznose 100.000,00 KM, ili isto kao i u budžetu za 2018. godinu.

U tabelarnom dijelu možete vidjeti učešće osnovnih ekonomskih pokazatelja u odnosu na ukupne prihode i ukupne rashode budžeta za 2019. godinu.